


# Gras blong solwota

Gras blong solwota hemi wan kaen gras we i laef andanit long solwota. Hemi gat rus mo flaoa mo lif blong hem. Hemi gat string insaed. Hemi yusum laet blong san blong gru. Hemi laef long ol ples long solwota we ino dip tumas.



I gat plante defren kaen anamol, fis, kokias oli laef long ol ples we gras blong solwota i gru long hem.



## Gras blong solwota hemi helpem yumi bigwan

- Hemi ples we plante fis, kokias, kaofis, grin totel, besdemea mo sihos oli laef long hem: ol samting we yumi save kakae o we ol turis oli glad blong lukim
- Hemi ples we ol bebi kokia mo fis oli save gruap long hem
- Hemi ples we i wok tugeta wetem ol natongtong mo ol korel rif blong muvum kakae insaed long wota mo daonem pawa blong strong wef, hariken mo fasin we graon i stap lus long so
- Hemi givim oksijen long wota mo sevemaot wota
- Hemi help blong blokem wok blong klaemet jenis long fasin blong pulum kabon aot long wota mo daonem fasin we solwota i kam konkon tumas.

## Oi denja we gras blong solwota i fesem

- Fasin we solwota i kam tudak mo sol long hem i hae tumas from we igat sofmad mo wota i ron long hem aot long graon antap, from fasin blong digimaot graon long solwota, blong klinim bus klosap long so mo fasin blong bildimap graon klosap long solwota blong mekem divolopmen long hem.
- Oi propela mo angka blong bot, mo tu fasin blong pulum net daon long botom blong solwota, ol samting ia i spolem ples we gras blong solwota i stap gru long hem.
- Wota blong haos mo toelet, doti blong haos mo ol narakaen doti we man hemi sakem olbaot.
- Hariken mo wota i kam antap mo kavremap graon.



## Yumi save helpem kipim gras blong solwota i stap helti long fasin ia:

- Daonem sofmad we i ron aot long graon insaed long solwota
- Klinim sanbij, meksua se ino gat doti istap long sanbij mo long solwota
- Lukaotem gud natongtong mo korel rif
- Lukaot gud taem yu stap draeva long wan bot klosap long ol ples blong gras blong solwota
- Mekem i tabu blong sakem angka long ples blong gras blong solwota
- Jekem ol ples blong gras blong solwota blong meksua se oli stap strong mo helti oltaem



VESS bin makem posta ia witem moni blong Critical Ecosystem Partnership Fund

Images downloaded from Ian Image Library ([www.ian.umces.edu/imagelibrary/](http://www.ian.umces.edu/imagelibrary/)) and created by: Charlene Afu, Catherine Collier, Jane Hawkey, Diana Klein, Kim Kraer, Tracey Saxby, Dieter Tracey, Lucy Van Essen-Fishman and Joanna Woerner.